



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Sermo XI. De quotidano martyrio & bello, in statu religionis.

[urn:nbn:de:hbz:466:1-45790](#)

rem & patientiam, in virtutibus & laboribus multis, perueniatis ad requiem perpetuam, ab omnibus malis securam (largiente Domino nostro Iesu Christo, intercedentibus sanctis martyribus suis) diuque desideratam à vobis æternæ vitæ coronam.

Amen.

SERMO XI.

De quotidiano martyrio & bello, in statu religionis.

1. **V**ONIAM propter te mortificamur tota die, estimati sumus Psalm. 43.

sicut oves occisionis. Dilecti Fratres, bene notate verba ista, in auribus vestris iam lecta: quæ valde salubriter pro instructio-
ne vestra, diu ante nativitatem vestram, per Prophetā in Psalmo
sunt prænunciata. Benedictus Deus, qui vocavit vos de presenti
seculo nequam: in quo periclitantur multi in corpore & anima,
sequentes carnis desideria & fugitiuos honores. Videte ergo vo-
cationem vestram ad congregationem istam, à Deo paratam: in
qua promereris potestis breui tempore cum modico labore vi-
tam æternam. Ecce religionem intrafannis, sponte proprijs renun-
ciastis; & quodammodo mundo mortui estis, aut quasi mortuos
in sepulchris vos reputare debetis. Hoc etenim habitus vester
foris ostendit: & fama de vobis transit, quod de mundo non
estis, sed filii Dei excelsi omnes. Dicunt enim frequenter ho-
mines seculares, de religiosis personis: Qui Deo seruit, totum
mundum deludit; & valde sapienter facit. Cælum sibi comparat,
& ab inferno non timebit. Mortificate ergo membra vestra su-
per terram; ne diabolicus furor vos iterum afficiat, & ad æter-
na supplicia per mollietatem carnis secū trahat. Magnus profectò
labor est, certare quotidie contra passiones & vitia: sed præmia
maxima vincentibus sunt promissa. Percogitatis verba, quæ can-
tantur tam sedulò de sanctis martyribus in ecclesia nostra, pro
corum laude & memoria, ad impetranda suffragia; quorum dul-
cedo tangere debet cordis nostri intima, & excitare tepiditatem
nostram, ad toleranda pro Christo vel pauca contraria. Sic enim
ad vesperas sæpiissimè suffragatur: Certamen magnum habuerunt
Sancti Dei, transierunt per ignem & aquam, & salvi facti sunt.

Coff. 2.

2. O dilecti fratres, qui in religione sub obedientia statis; si
fideliter impletis, quod voulitis, martyres estis, aut adhuc quoti-
die patiendo fieri potestis. Nā toties nouas coronas & margaritas
preciosas pro certamine vestro accipietis: quoties singula mēbra
vestri corporis, quotidianis laboribus pro Christo exponitis. Et
si proprias voluntates relinquitis, & sensualitati vestre fortiter
resistitis, magnam à Deo consolationē intus percipietis. Omnis
religiosus in obedientia viuens, paratus suam voluntatem fran-
gere, atque Prelato suo humiliter nitens obedire: iste veraciter in

C 3

spiritu

Gen. 22. spiritu martyr efficitur, quamvis materiali gladio in collo non feriatur. Et quicunque perfecte mortificationi, tota die, id est per totum tempus vitae suæ, se tradit, simplici ex corde obediendo, exemplum Abrahæ imitatur: qui vnicum dilectum filium suum Isaac in holocaustum offerre, ligare, & occidere, non recusavit. Legimus etiam de sanctis martyribus, quod per diuersa tormentorum genera transierint ad regna cælorum: Qui non elegerunt pro sua voluntate, qualem poenam aut mortem paterentur: sed totaliter diuinæ ordinationi se commiserunt, corpus & animam creatori suo ad omnia sustinenda constanter obtulerunt. Quando igitur aliquis vestrum audit, præceptum sibi contrarium à Prælato imponi, & tamen paratus est obedire: si tunc etiam vim sibi ipsi inferre conatur, atque murmuratione insurgentem compescit & necat, tunc gratissimum Deo sacrificium in ara cordis immolat, & cum martyribus de hoste victor sui ipsius factus, strenue triumphant. Multi namque martyres violenter tracti sunt ad carceres, & durissimis inibi vinculis ferreis stringebantur: quin etiam sine cibo & potu, sine lumine & aliquo humano solatio, dimittebantur iacere in fœtore & mortis horrore. Et tamen in fide Christi constantes permáserunt, & gratias Deo in doloribus suis agere studuerunt; quia pro nomine eius, contumelias & tormenta pati meruerunt. Horum exempla intuentes, nolite in adversis deficere, & de nimia paupertate conqueri: nec propter rigorem disciplinæ, de prælio ante finē victoriae fugere. Illi dignè coronari merentur, qui legitimè certant & perseverant. Leuisimus est omnis labor penitentiæ nostræ, comparatione peccatum & abstinentiarum sanctorum martyrum, & consideratione dolorum infernorum.

Heb. 12. 3. Audistis frequenter in passionibus martyrum, quod in diuersis membris suis fuerunt cruciati, & post graues dolores eisdem membris priuati: deinde ferocissimis bestijs ad deuorandum dati, aut etiam flammis ardentibus iniecti. Nondū fratres isti experti, nondum sic tentati, nec probati, nondum sic vexati, nec verberati, nondum sic derisi, nec contumelijs repleti, nondum de domibus vestris nudè & ignominiosè expulsi, & per plateas publicè tracti. Nondum usque ad sanguinis effusionem tentationibus restititis, nec manum, nec pedem amputari pro fide & castitate permisistis. Verum, si sepè deficitis in minimis passionibus, pro Christo in religionē subortis; quomodo maiora pati in persecuzione possetis? Sunt namque multa, in quibus probare potestis fortitudinem vestram, quamvis sanguinem non fundatis, nec usque ad mutilationem membrorum repugnatis. Sancti martyres membra sua poenis exposuerunt grauissimis, vos in multis

ieiu-



ieiunijs & vigilijs, in silentio & laboribus, corpus vestrum, ne insolefacat, castigare debetis. Qui enim omne amarū pro dulci, omnē vile pro pulchro, omne triste pro gaudio accipit & sustinet: hic veraciter calicem Domini cū martyribus bibit, & in futuris pœnis vri nō timebit, sed sanctorum choris sociari summè gaudiebit. Vnum ex his eligatis, aut æternaliter comburi cum dæmonibus, pro modicis voluptatibus: aut pro breui abstinentia, perenni gloria perfrui cū Angelis sanctis. Et quia martyres mala perpetua attenderunt, ideo mala transitoria leuius pertulerunt; & potius per angustam viam, ad latitudinem cæli intrare optauerunt. Potest quilibet in ordine & in statu suo, religiosè & de-

Martyr si-
nuotè viuendo, palmam martyrij obtainere; si contra vitia sua for- ne sanguin-
titer certat; si pro aduersantibus & detrahentibus orat; si ca- ne, quis
stitatem illibatam strenuè seruat; si obedientiam usque ad mor- esse possit.
tem exemplo Christi custodit: si de omnibus terrenis & necessariajs huius vitæ semper minus, quam plus habere desiderat,
& beneplacitum Dei in omnibus querit, & suum velle re-
linquit.

4. Sancta quippe voluntaria paupertas, pro martyrio compu- Pauperum
tatur: & ideo sicut martyribus, ita & pauperibus, regnum cælo- & martyrum
rum à Domino promissum est, & donatur. Cùm ergo verboso & idem pre-
dissoluto silentium imponitur, ne extraneis vel fratri loquatur; man. sc
tunc lingua ad fabulandum prona, quasi teste ligatur, & ne noceat
alteri, silentio cohibetur. Et verè multis verbosis expedit pro
pace conscientiae verecundè tacere, quam hinc inde historias de
statu seculi retexere. Et cùm vago homini præcipitur in clauстро
manere, aut in cella quietè residere, tunc pedes eius pia violen-
tia, quasi in cippo locantur; & sic ad viam salutis, cor instabile
redire compellitur, iuxta illud Domini verbum: *Exi citò in pla- Lucre 14.*
teas & vicos ciuitatis, & compelle intrare. Heu, quanti foris va-
gando perierunt: quanti suæ curiositati seruiendo, nil sanctita-
tis retulerunt? O quam multi per rectoris virgam reducti sunt
ad conscientiae & bonæ vitæ custodiā, & de necessitate fece-
runt virtutem!

5. Cum curiosus oculos suos claudit, ne seculi vanitates aspi-
ciat; tunc mercedem cum sanctis recipiet, quorum oculi fuerunt
à tyrānis excæcati. Cùm piger aliquis laborare cogitur, tunc ma-
nibus & pedibus ad locū martyrij trahitur. Et si obedierit ad om-
nia sibi iniuncta, præmiabitur cum martyribus; quorum ma-
nus vinculis fuere ligatae, & pedes in equuleo suspensi. Cogitare
ergo debet bonus obediens frater, quia proprij corporis non habet
potestatem, sed Prælatus; cui propter Deū se resignauit liberè, vt
eat & faciat, quod ille iussit pro anima suę salute. Sic n. obti-

40 SERMONES AD NOVITIOS.

nebit cum martyribus patientiae palnam, & æternæ vitæ coronam. Præstante Domino nostro Iesu Christo, regnante in secula seculorum. Amen.

SERMO XII.

De sapientia Confessorum, & continentia Religiosorum.

Psalm. 36.

I. **O**s iusti meditabitur sapientiam, & lingua eius loquetur iudicium. Dilecti fratres, ista solent cantari & legi de confessoribus & doctoribus, quos præcipua deuotione honore debemus, atque suffragia eorum desideranter implorare, quatenus eorum virtutes strenue imitando, mereamur finito presentis vitæ studio, ad eorum societatem peruenire. Igitur, si non possumus grauissima & diuersa tormentorum genera, cum sanctis martyribus sustinere: studeamus pro viribus nostris, cum confessoribus & eremitis, in sancta religione humiliter, patienter, & continenter viuere; quemadmodum & ille Deo placuerunt, multis longis vigilijs & ieiunijs carnem macerando.

2. Describit nāque Propheta in dicto Psalmi versiculo, qualis sit vita iusti viri, placentis Deo; & quām beatus exitus eius, qui permanferit constans in proposito sancto. Solet autem vita iusti viri ac boni religiosi, ex quibusdā signis notari, & maximè commendari: videlicet, vt habeat os custoditū à malo, linguam eruditam in bono, cor quietum à turbatione, deuotum in oratione, suspensum in contemplatione: vt faciat opus bonum cum recta intentione ad Deum, careatque sinistra suspicione ad proximum. Et qui ista habere desiderat, legem Dei in corde suo ponat, sacra verba frequenter cogitet, libenter audiat & legat, de mundanis verò sileat: tantum de his, quæ ad salutem animæ pertinēt, curam ampliore gerat, alienas sollicitudines abiciat, nullum tempus otio indulget: sed vel oret, aut studeat, aut labore, quantum boni operis talentum, sicut fidelis seruus, quotidie augere valeat. Discat, antequam doceat: & magis eligat tacere quam loqui, si sapiens fieri desiderat. Pauca verba & utilia habeat, cum modestia singula proferat: coram magnatibus apparere, caueat: cum timore Dei omnes actus suos & sermones disponat, tāquam ab ipso iudicandus, si in aliquo offendat. Tutijs ergo est & melius, vt homo taceat, qui debitè loqui nescit.

3. Si quis imperitus diuinam sapientiam habere concupiscit, delicias carnis spernat, sensus exteriores strictè custodiat, ne vanitates mundi hauriant: Ad interiora se conuertat, defectus suos inspiciat, conscientiam per singulos dies examinet, commissa defleat, nil impunitum relinquat. Ad cælestia suspirat, futurum iudicium metuat, præsentem vitam carcerem reputet. A Christo elongari,

Note ad
deprehē-
dendum
virum iu-
stum ac
bonum.